

Жоғарғы Бас қолбасшының БҰЙРЫҒЫ

**3-Белорус майданы әскерлерінің қолбасшысы
Армия генералы ЧЕРНЯХОВСКИЙГЕ
Майдан штабының бастығы
Генерал-полковник ПОКРОВСКИЙГЕ**

3-БЕЛОРУС майданының әскерлері дұшпанның Шығыс Пруссиядағы әскер тобын қоршау шеңберін қыспаққа ала отырып, қатынас жолдарының маңызды тораптары және немістердің қорғанатын күшті тіректі бекіністері—ВОРМДИТТ, МЕЛЬЗАК қалаларын тіке шабуылмен алды.

ВОРМДИТТ және МЕЛЬЗАК қалаларын алу ұрыстарында генерал-полковник ГОРБАТОВТЫҢ, генерал-лейтенант ОЗЕРОВТЫҢ, генерал-лейтенант ИВАШЕЧКИННИҢ, генерал-майор ГАРНИЧТИҢ, генерал-лейтенант УРБАНОВИЧТИҢ, генерал-майор НИКИТИННИҢ, генерал-лейтенант ЗАХАРОВТЫҢ, генерал-лейтенант ИВАНОВТЫҢ, полковник ТЕЛКОВТЫҢ, генерал-майор КОНОВАЛОВТЫҢ, полковник АБИЛОВТЫҢ, полковник ГРЕКОВТЫҢ, генерал-майор МИХАЛИЦИННИҢ, полковник КРИВЕНЦОВТЫҢ, полковник ВЯЗНИКОВЦЕВТИҢ, полковник СОБОЛЕВТИҢ, полковник ПЕРЕВОЗНИКОВТЫҢ, генерал-майор КРОНИКТИҢ, генерал-майор ДАЛМАЛОВТЫҢ, генерал-майор МАЛЮКОВТЫҢ, генерал-майор ХВОСТОВТЫҢ, полковник ЦВЕТКОВТЫҢ әскерлері; артиллерия генерал-полковнигі БАРСУКОВТЫҢ, артиллерия генерал-майоры ВЛАДИМИРОВТЫҢ, артиллерия генерал-майоры ВАСИЛЬЕВТИҢ, полковник АЙРАПЕТОВТЫҢ, полковник ПОПОВТЫҢ, генерал-майор КОРСАНОВТЫҢ, полковник СТАРЫНИННИҢ, полковник МАРГУЛИСТИҢ, полковник ВАБИЧТИҢ, полковник КОРОЛЕВТИҢ, полковник ТУРГАНИНОВТЫҢ, генерал-майор КОЛОТИЛОВТЫҢ, полковник ГОЛОВЧЕНКОНЫҢ, подполковник ВЛАСЕНКОНЫҢ артиллерияшылары; танк әскерлерінің генерал-полковнигі РОДИННЫҢ, полковник ОМАРИННИҢ, полковник ШМЫРЕВТИҢ, полковник ЯЧНИКТИҢ, полковник ЛОБАНОВТЫҢ, подполковник ТИМОФЕЕВТИҢ, подполковник КАРТАШЕВТИҢ, подполковник ЗИРКАНЫҢ, майор ВЕДЕХИНИҢ танкшілері; авиация генерал-полковнигі ХРЮКИННИҢ, авиация генерал-майоры БЕЛОВТЫҢ, авиация генерал-майоры НЕЧИПОРЕНКОНЫҢ, авиация генерал-майоры ЗАХАРОВТЫҢ, полковник ШИНКАРЕНКОНЫҢ, полковник АНДРЕЕВТИҢ, полковник ЧУНОВТИҢ, полковник ПРУДКОВТЫҢ, полковник ХАТМИНСКИЙДИҢ, полковник ЗМИНИННИҢ, полковник ЕГОРОВТЫҢ, подполковник ЗАКЛЕПАНЫҢ, майор ЗАМОРИННИҢ, майор ЛАВРИНЕНКОВТЫҢ, майор ДЕЛЬФИННИҢ ұшқыштары; инженерлік әскерлердің генерал-лейтенанты БАРАНОВТЫҢ, инженерлік әскерлердің генерал-майоры МЕЛЬНИКОВТЫҢ, полковник СЕВОСТЬЯНКОВТЫҢ, полковник ЛОГИНОВТЫҢ, майор РЕЙНСОННЫҢ саперлері; байланыс әскерлерінің генерал-лейтенанты БУРОВТЫҢ, байланыс әскерлерінің генерал-майоры МИШИННИҢ, подполковник КУРТУКОВТЫҢ, подполковник ЦИЛБОВТЫҢ байланысшылары көзге түсті.

Қол жеткен жеңістің хұрметіне, ВОРМДИТТ және МЕЛЬЗАК қалаларын алу ұрыстарында өте-мөте көзге түскен құрамалар мен бөлімдер ордендермен наградтауға ұсынылсын.

Бүгін, 17 февральда, 21 сағатта Отанымыздың астанасы МОСКВА екі жүз жиырма төрт зеңбіректен жыйырма дүркін артиллерия оғын атып, аталған қалаларды алған 3-БЕЛОРУС майданының айбынды әскерлеріне Отанымыз атынан хұрмет көрсетеді.

ВОРМДИТТ және МЕЛЬЗАК қалаларын алу ұрыстарына қатысқан Сіздердің бас қаруларыңыздағы әскерлерге ұрыс қыймылдарын өте жақсы жүргізгені үшін АЛҒЫС ЖАРИЯЛАЙМЫН.

Отанымыздың бостандығы мен тәуелсіздігі үшін ұрыстарда қаза тапқан батырлардың даңқы мәңгі өшпесін!

Неміс басқыншыларға өлім келсін!

Жоғарғы Бас қолбасшы

Советтер Одағының Маршалы И. СТАЛИН.

1945 жылғы 17 февраль, № 282.

АЛДЫҢҒЫ КАТАРЛЫ МТС-тарда

Қазақстанның алдыңғы қатарлы МТС-тары Қызыл Армия күнін трактор жөндеу жұмысын мерзімінен бұрын аяқтаумен қарсы аламыз. Республикамызда 25 МТС-тракторларды жөндеу жұмысын аяқтап, соңаларды, тырмаларды және туқым секикіштерді тәртіпке келтіруде. Талды қорған облысының Үшғөбе, Петропавл және Комсомол МТС-тары машиналарды жөндеп, өздерімен жарысқа түскен МТС-тарға көмекке 30 механик және маман слесарьлар жіберді.

Қазірдің өзінде республикамызда 12 мың трактор жөндеді. Алғашқы 10 мың тракторды комиссия жақсы деген бағамен қабылдады.

Оңтүстік Қазақстан, Қызыл орда және

Қарағанды облыстары трактор жөндеу жоспарын орындауға жуық.

Мақтарал ауданының (Оңтүстік Қазақстан облысы) колхозшылары ұзақтығы 7,5 километрлік жаңа канал қазуға кірісті.

АЛМАТЫ. Алматы МТС-ның (директоры Скоробогатов жолдас) коллективі трактор жөндеудің жылдық жоспарын орындауға бірінші болып орындап, көктемгі егіске 83 машина дайындады. МТС-тың жөндеуші жұмысшылары Қызыл Армияның 27 жылдығын ылайықты қарсы алу үшін жарысқа түсіп, 23 февральға дейін жоспардан тыс 4 трактор жөндеуге міндеттенді.

Шығыс Пруссиядағы әскер тобын қоршау шеңберін қыспаққа ала отырып, қатынас жолдарының маңызды тораптары және немістердің қорғанатын күшті тіректі бекіністері—ВОРМДИТТ, МЕЛЬЗАК қалаларын тіке шабуылмен алды.

Батыр Қызыл Армия жауынгерлерінің даңқы арта берсін!

ССРО Халық Комиссарлары Советінен, ССРО ОТАН ҚОРҒАУ Халық Комиссариаты мен БК(б)П Орталық Комитетінен

Большевиктер партиясының адал ұлы және Қызыл Армияның тандаулы басшыларының бірі, 3-Белорус майданының қолбасшысы армия генералы Иван Данилович ЧЕРНЯХОВСКИЙДІ Шығыс Пруссиядағы ұрыс даласында ауыр жараланғаннан кейін 18 февральда қайтыс болғанын ССРО Халық Комиссарлары Советі, ССРО Отан Қорғау Халық Комиссариаты мен БК(б)П Орталық Комитеті қайғырып хабарлайды.

Мемлекетіміз отан соғысының барысында ерекше көзге түскен ең талантты және қолбасшыларының бірі—Черняховский жолдастан айрылды.

Армия генералы И. Д. Черняховский оның басқаруындағы әскерлер неміс басқыншылардан азат еткен Литва Советтік Республикасының астанасы—Вильнюс қаласында жерленеді.

Жерлеу шығыны мемлекет есебінен ұсталады.

Армия генералы И. Д. Черняховскийді мәңгі есте қалдыру үшін Вильнюс қаласында оған ескерткіш жасалады.

Литва ССР Халық Комиссарлары Советі мен Литва К(б)П Орталық Комитетінен

Большевиктер партиясының адал ұлы және Қызыл Армияның тандаулы басшыларының бірі, 3-Белорус майданының қолбасшысы армия генералы Иван Данилович ЧЕРНЯХОВСКИЙДІ Шығыс Пруссиядағы ұрыс даласында ауыр жараланғаннан кейін 18 февральда қайтыс болғанын Литва ССР Халық Комиссарлары Советі мен Литва К(б)П Орталық Комитеті қайғырып хабарлайды.

Оның күші мен білімін түгелімен Литва халқын азат ету жолына жұмсаған ең талантты қолбасшы Черняховский жолдасты Литва халқы мәңгі ұмыстырар.

И. Д. ЧЕРНЯХОВСКИЙ

Шығыс Пруссиядағы ұрыс даласында ауыр жараланғаннан кейін армия генералы Иван Данилович ЧЕРНЯХОВСКИЙ қайтыс болды.

Бүкіл совет халқы Черняховский жолдасты Отан соғысының Батыры, Қызыл Армияның аса көрнекті қолбасшысы деп білетін.

Черняховский жолдас 18 жасынан бастап үш емі Қызыл Армия қатарында болды. Қызыл Армияның взвод командирінен артиллерия, танк және атқыш әскерлерінің дивизиялары мен корпустарының командирі дәрежесіне жетті. 1942 жылы Черняховский жолдас армия қолбасшысы қызметіне және 1944 жылы майдан әскерлерінің қолбасшысы болып тағайындалды.

Отан соғысы жылдарында совет-герман майданының негізгі учаскелерінде оның армия қолбасшысы және майдан қолбасшысы ретінде өткен жауынгерлік өмір жолын Воронежтен Тарнопольге дейін, Оршадан Кенигсберкке дейін жеңімпаздықпен шабуыл жасауы ыспаттайды.

Қызыл Армияның соғыс қыймылдарының барысында Жоғарғы Бас қолбасшы Советтер Одағының Маршалы Сталин жолдастың көптеген бұйрықтарында Черняховскийдің есімі атап көрсетілді.

Совет үкметі Черняховский жолдасқа тағайындалған жоғары наградтар берді: оған Со-

веттер Одағының Батыры атағы беріліп, төрт Қызыл Ту орденімен, I-дәрежелі Богдан Хмельницкий орденімен, I-дәрежелі Кутузов орденімен және I-дәрежелі Суворов орденімен наградталды.

Совет Отанының жеңуі жолындағы ең ерлік істерімен Отан соғысында ерекше көзге түскен Черняховский жолдас совет халқына және бүкіл Қызыл Армияға аса құрметті болды.

Ленин—Сталин партиясы ісіне шексіз берілген Черняховский жолдас өзінің бүкіл өмірін ақырына дейін толығымен Қызыл Армия мен Совет Отанына қызмет ету жолына жұмсады.

Армия генералы Черняховский жолдас жеңімпаздықпен қорғаған іс мәңгі жасайды.

ЖУКОВ, ВАСИЛЕВСКИЙ, ВОРОШИЛОВ, ТИМОШЕНКО, БУДЕННЫЙ, ШАПОШНИКОВ, БУЛГАНИН, ЩЕРБАКОВ, АНТОНОВ, ГОВОРОВ, БАГРАМЯН, МАКАРОВ, ХОХЛОВ, РОКОССОВСКИЙ, КОНЕВ, ПЕТРОВ, МАЛИНОВСКИЙ, ТОЛБУХИН, ВОРОНОВ, ХРУЛЕВ, ЯКОВЛЕВ, ФЕДОРЕНКО, НОВИКОВ, ВОРОБЬЕВ, ПЕРЕСЫПКИН, ШТЕМЕНКО, КУЗНЕЦОВ, ГОЛИКОВ, СМОРОДИНОВ, ПОКРОВСКИЙ.

ССР Одағы Халық Комиссарлары Советінде

Майданда опат болған армия генералы Иван Данилович Черняховскийдің үй-ішін қамтамасыз ету жөнінде

ССР Одағы Халық Комиссарлары Советі қаулы етті:

1. И. Д. Черняховский жолдастың үй-ішіне: әйелі Анастасия Григорьевна Черняховскаяға, қызы Неонила мен ұлы Олегке 125 мың сом мөлшерінде біржолғы жәрдем берілсін.

2. И. Д. Черняховский жолдастың үй-ішіне мына мөлшерде: әйелі А. Г. Черняховскаяға—өмір бойы ай сайын 2000 сом, қызы Неонила мен ұлы Олегке 1000 сомнан дербес көмек белгіленсін.

МАЛ ҚЫСТАТУ ҮЛГІЛІ ӨТКІЗІЛУДЕ

ОРАЛ Приорал ауданындағы колхоздарда мал қыстату ойдағыдай өткізілуде. Мал өте күйлі.

«Республика» колхозы мал жойлағын жақсы ұйымдастырды. Мұнда мал үшін ықпалды сарайлар, шопаңдар жылы үйлермен, киіммен қамтамасыз етілген. Буларға аудан орталығынан үгітшілер келіп, еліміз-

дері және Отан соғысы майдандарындағы жаңалықтарды түсіндіріп тұрады. Кііз үйлерде аялшылар мен домбырашылар үзбей көңерт беріп тұрады.

Сол сияқты мал қыстату жұмысы Ворошилов атындағы «Социализм» және Жамбыл атындағы колхоздарда да ойдағыдай өткізілуде.

Совет Хабаршы бюросынан

17 ФЕВРАЛЬДАҒЫ ҰРЫСТАР МӘЛІМЕТІ

А-УКРАИН майданының әскерлері дұшпанның Шығыс Пруссиядағы әскер тобын қоршау шеңберін қыспаққа ала отырып, қатынас жолдарының маңызды тораптары және немістердің қорғанатын күшті тіректі бекіністері ВОРМДИТТ, МЕЛЬЗАК қалаларын тікешібумен алды, сол сыяқты ПЛАУТЕН, НАИХОФ, БОРНИТТ, КЛИН-ГЕНБЕРГ қыстақтарын ұрыспен алды.

ГРУДЗЯНДЗ (ГРАУДЕНЦ) қаласының оңтүстік-батыс жағында әскерлеріміз ВИСЛА өзенінің сол жақ жағалауы бойымен шабуыл жасай отырып, ГРУПНЕ, ФЕ-ТЕНАУ, БУШИН, СКШИНКЕН, МЕДЗНОШЕ, ОШЕ қыстақтарын алды.

ПОМЕРАНИЯДА ШТАРГАРД қаласының оңтүстік жағында әскерлеріміз дұшпанның жау әскерлері мен танктерінің атакаларын тойтарды, мұнымен қатар ШНАЙДЕ-МЮЛЬ қаласының солтүстік жағындағы ормандарда әскерлеріміз дұшпанның қоршауға алынған әскер тобын жойып жіберді, сөйтіп немістердің 8000нан аса солдатты мен офицерін қырып салды. 2000дай неміс қолға түсіріліп, жаудан мынадай олжа: 13 танк пен өздігінен жүретін зеңбірек, 30 жай зеңбірек, 35 миномет, 154 пулемет, 384 автомашина, соғыс мүлкі тиіген 120 ат-шана қолға түсірілді.

ПОЗНАНЬДА әскерлеріміз дұшпанның қоршауға алынған гарнизонын жою жөнінде ұрыстар жүргізе отырып, ВАРТАНЫЦ шығыс жақ жағалауындағы қала маңындағы қыстақтарды алды. Сонымен; дұшпанның қоршауға алынған гарнизоны қалдықтарының қолында тек ғана ЦИТАДЕЛИ тұр. 16 февральда бұл ауданда әскерлеріміз немістердің 6000нан аса солдатты мен офицерін қолға түсіріп, жаудан мынадай олжа: 13 зеңбірек, 52 пулемет, 6000нан аса винтовка мен автомат, 125 автомашина, 40 ат-шана, 184 вагон және әртүрлі соғыс мүлкі тиіген 16 склад қолға түсірілді.

СИЛЕЗИЯДА БИЦЦАУ қаласының солтүстік-батыс және батыс жағында әскерлеріміз 50ден аса елді жерлердің, оның ішінде ХЕРМЕДОРФ, ХАММЕР, НОЙХАУС, РАУША, ШНЕЛЛЕНФУРТ, ТОММЕНДОРФ үлкен қыстақтарын ұрыспен алды. 16 февральда бұл ауданда әскерлеріміз немістердің 1100ден аса солдатты мен офицерін қолға түсірді.

БРЕСЛАУ (БРЕСЛАВЛЬ) қаласының оңтүстік-батыс және оңтүстік жағында әскерлеріміз ұрыспен ала баса отырып, 60тан аса елді жерлерді, оның ішінде ЗАХВИЦ, КУБЕРТУС-ХОФ, ВИРОВИЦ, ШЕНБАНКВИЦ, БОРАУ, ГРЮНХАРТАУ, БРОЗЕВИЦ үлкен қыстақтарын алды. Мұнымен бірге, әскерлеріміз БРЕСЛАУ (БРЕСЛАВЛЬ) қаласында қоршауға алынған дұшпанның әскер тобын жою жөнінде ұрыстар жүргізді.

ДУНАЙДЫҢ солтүстік жақ жағалауында КОМАРНОНЫЦ шығыс жағында ГРОН өзенінің батыс жағында тұрған әскерлеріміз дұшпанның жау әскерлері мен танктерінің ірі күштерінің атакаларын тойтарды, сөйтіп жауды адам күші және техника жағынан орасан көп шығынға ұшыратты.

Майданның басқа учаскелерінде барлау жүргізілді және бірсыпыра жерде жергілікті маңызы бар ұрыстар болды.

16 февральда барлық майдандарда немістердің 106 танкі қыйратылды, жойылды. Әуе ұрыстарында және зеңит зеңбіректерімен дұшпанның 41 самолёты атып түсірілді.

18 ФЕВРАЛЬДАҒЫ ҰРЫСТАР МӘЛІМЕТІ

18 февральда **КЕНИГСБЕРГТІҢ** оңтүстік жағында әскерлеріміз немістердің Шығыс Пруссиядағы әскер тобын жою жөнінде ұрыстар жүргізе отырып, РОБИТЕН, ТАЛЛИНГЕН, ОРШЕН, ВИЛЬДЕНХОФФ, БУХХОЛЬЦ, ЛАЙС, ЛЯНГВАЛЬДЕ қыстақтарын алды.

ГРУДЗЯНДЗ (ГРАУДЕНЦ) ауданында әскерлеріміз ВИСЛАНЫЦ батыс жақ жағалауы бойымен солтүстікке қарай ала баса отырып, ГРУДЗЯНДЗ (ГРАУДЕНЦ) қаласында қорғанып тұрған дұшпанның гарнизонын қоршауға алу аяқтады, сөйтіп ГРОСС-ДРАГАС, КРУШ, МОНТАУ, ГРОСС-ЗИБСАУ, ВАРЛЮБИН қыстақтарын алды.

ПОМЕРАНИЯДА ШТАРГАРД қаласының оңтүстік және оңтүстік-шығыс жағында әскерлеріміз дұшпанның жау әскерлері мен танктерінің атакаларын ойдағыдай тойтарды. Мұнымен қатар, ШНАЙДЕМЮЛЬДІҢ солтүстік жағындағы ормандарда әскерлеріміз дұшпанның қоршауға алынған тағы бір әскер тобын жойып жіберді, сөйтіп немістердің 2000дай солдатты мен офицерін, оның ішінде жаудың Шнайдемюльдегі гарнизоны инженерлік қызметінің бастығы полковник Курхаупты қолға түсірді.

БРАНДЕНБУРГТЕ ШВЕРИН қаласының оңтүстік жағында әскерлеріміз бір кезде темір-бетоннан салынған 30 қорғану бекінісінен құралған немістердің ұзақ уақытқа арналған тіректі бекіністі шеңбері ауданын қоршауға алған болатын. Әскерлеріміз жауды ұзақ уақыт бойына қоршауда ұстап, оған қарсы артиллериядан үнемі нөсерлете оқ жаудырып, кейін, бұл тіректі бекіністің гарнизоны тізе бүкті, мұнымен бірге әскерлеріміз немістердің 1245 солдатты мен офицерін қолға түсіріп, жаудан мынадай олжа: 43 зеңбірек, 25 миномет, 15 огномет, 230 пулемет, 800 карабин, 40 автомашина, 388 принцип қолға түсірді.

ПОЗНАНЬДА дұшпанның ЦИТАДЕЛЬДІ өз қолдарында ұстап тұрған гарнизонын жою жөнінде ұрыстар жүргізілді.

СИЛЕЗИЯДА әскерлеріміз ЗАГАН және НАУМБУРГ қалаларын ұрыспен алды. **БРЕСЛАУ (БРЕСЛАВЛЬ)** қаласының оңтүстік-батыс және оңтүстік жағында әскерлеріміз шабуыл ұрыстарының нәтижесінде ЛАНДАУ, БЕЙЛАУ, КАПСДОРФ, ГРОСС-ЗЕГЕВИЦ, ТРОШДОРФ, ДУКВИЦ, ЯСВИЦ, КЛАЙН-ТИНЦ, ЮДЮРГ-ХАРТАУ, ТИФЕНЗЕ, ПУДИГАУ қыстақтарын алды. Мұнымен бірге, БРЕСЛАУ қаласында қоршауға алынған дұшпанның әскер тобын жою жөнінде ұрыстар жүргізілді.

ДУНАЙДЫҢ солтүстік жақ жағалауында, КОМАРНОНЫЦ шығыс жағында әскерлеріміз дұшпанның жау әскерлері мен танктерінің ірі күштерінің атакаларын тойтаруда болды. 17 февральдағы ұрыстарда бұл ауданда немістердің 43 танкі қыйратылды, жойылды.

Майданның басқа учаскелерінде барлау жүргізілді және бірсыпыра жерде жергілікті маңызы бар ұрыстар болды.

17 февральда барлық майдандарда немістердің 115 танкі қыйратылды, жойылды. Әуе ұрыстарында және зеңит зеңбіректерімен дұшпанның 83 самолёты атып түсірілді.

Кенигсберг қаласының оңтүстік жағында әскерлеріміз немістердің шығыс Пруссиядағы әскер тобын қоршау шеңберін қыспаққа ала баса отырып, Совет бөлімдері дұшпанның қатты қарсылығын жеңе отырып, үлкен қыстақтарын алды.

1

Қызыл Армия күніне әзірлік

Мотроков қаласының кәсіп орындары, мекемелері мен оқу орындары Қызыл Армия күніне қызу әзірленуде. Партия оқу үйінде семинар өткізілді. Оған 200 адам қатысты. ҚК(б)П Орталық Комитетінің лекторы Мухомин жолдас семинарда баяндама жасады. Барлық кәсіп орындары мен мекемелерде Қызыл Армия күніне және Совет халқының тарихи жеңісіне арналған

лекциялар мен баяндамалар өткізілуде.

Жатақ үйлерде әңгімелер өткізіліп, газеттер оқылады. Клубтарда және қызыл мүйіздерде Отан соғысы жауынгерлерімен кездесу ұйымдастырылып, сурет көрмеделері ашылмақ.

Қызыл орда облысындағы «Звезда» кол-өнершілер артелінің цехтарында істейтін

65 автомашина, 2 темір жол эшелоны тағы басқа олжа қолға түсірілді.

Грудзьяндз (Грауденц) қаласы ауданында әскерлеріміз кескілескен ұрыстар нәтижесінде дұшпанның қорғану шеңберін бұзып өтті. Совет бөлімдері немістердің қорғану шеңберіне пайда болған бос алаңға қарай тап берді, сөйтіп өтуге қиын батпақты жерлерде орағыта әдіс жасап, Грудзьяндз (Грауденц) қаласындағы дұшпанның гарнизонын қоршауға алды. Гитлершілдер қоршау шеңберін бұзып, қоршаудан шығу үшін әлденеше рет жанталаса әрекет жасады. Дұшпанның жау әскерлері мен танктері күн тәулік ішінде әлденеше рет қарсы атакаға шықты. Жау әскерлеріміз жаудың барлық қарсы атакаларын тойтарып, қаланың шет аймақтарына басып кірді, сөйтіп дұшпанның қоршауға алынған гарнизонын жою жөнінде ұрыстар жүргізуде. Ұрыс дадасында жаудың солдаттары мен офицерлерінің көптеген өлкітері қалды. Дұшпанның 42 зеңбірек, 440 автомашина, 246 мотоцикл, әртүрлі соғыс мүлкі қойған 5 склад және басқа олжа қолға түсірілді. 400 неміс қолға түсірілді.

Советтер Одағының Батыры атағын екі рет алған майор Кожедубтың басқаруындағы 6 истребитель самолёт 1-Белорус майданында аспан әлемінде өткелдерімізді бомбалауға тырысқан немістердің 30 самолётін кездестірді. Совет ұшқыштары дұшпанның қауырт шабуыл жасап, оның әскери қатарын тозғындатты. Неміс ұшқыштары алып шыққан бомбаларын өз әскерлерінің үстіне тастап, ұрыстан бой сақтауға тырысты. Истребительдеріміз дұшпанды өкшеле-те қуа отырып, немістердің 8 самолётін атып түсірді. Оның ішінде майор Кожедуб жаудың 3 истребительін жойып жіберді.

Силезияда әскерлеріміз шабуыл жасауда болды. Н. құрамасының бөлімдері екі күнге созылған ұрыстар нәтижесінде немістердің гарнизонын талқандап, Заган қаласын алды. Қаланың көшелерінде жаудың солдаттары мен офицерлерінің 1400 өлігі қалды. Заган—Бобер өзеніндегі немістердің қорғанатын күшті тіректі бекінісі және қатынас жолдарының маңызды торабы. Мұнда 6 темір жол тоғысады. Советтің екінші бір бөлімдері шабуылды дамыта отырып, бүгін Квейс өзеніндегі Наумбург қаласын алды. Бір темір жол станциясында майдан әскерлері жаудан 14 паровоз және әртүрлі жүк тиіген 900 темір жол вагонын қолға түсірді. Немістердің 800ден аса солдатты мен офицері қолға түсірілді.

Ұшқыштарымыз күн тәулік ішінде әуе ұрыстарында немістердің 35 самолётін атып түсірді. Мұнымен бірге аэродромдарда дұшпанның 30 самолёті жойылды.

Қызылтулы Балтық флотының авиациясы Балтық теңізінің оңтүстік бөлегінде дұшпанның транспорты мен күзет катерін суда батырды.

Немістердің 91-артиллерия полкіндағы 3-дивизионының 1-Белорус майданында қолға түсірілген командирі капитан Влалли Нафцигер мынағы мәлімдеді: «Менің дивизионым 6-жалғашқы дивизиясындағы 6-артиллерия полкінің қарамағына берілген болатын. Офицерлер мәжілісінде полк командирі майор Брунг былай деп мақтана сөйледі. «Біздің қорғану шеңберіміз мейлінше нығайтылды және мұнда көптеген техника топталдырылды. Орыстар енді бұл қорғану шеңберімізді бұзып өте алмайтынды болды». Мұндай өпкімелерді басқа офицерлер де айттып жүрді. Бұдан бірнеше күн өткеннен кейін бәрін қатты қайғыға дұшар болдық. Орыс әскерлері бұзылмастай болып көрінген шеңберімізді құл-талқанып шығарды. Талқандалған бөлімдеріміз тозғындап кері шегінді. Енді бәрі түсінікті болды. Соғыстың Германия үшін қолайлы болып аяқталуына ешбір үміт жоқ. Ел күйзелуде. Оның резервтері сарқылып барады».

Майданшылардың үй-іштеріне күнбе-күн қамқорлық жасалсын

Преснов ауданында майданшылардың үй-іштері мен Отан соғысының мүгедектеріне көмек көрсету жөнінде арнаулы қор жасалды. Аудан еңбекшілері бұл қорға арнап, 18,5 центнер астық, 77 центнер картоф, 100 центнер оғаш, 49 килограмм жүн, 35 пар пима, сол сыяқты көптеген киім-кешек және 8724 сом қаржы жыйнады.

Алайда бұл ауданда жауынгерлердің үй-іштері мен Отан соғысының мүгедектеріне жыйналған қордан жәрдем беру ісінің барысы ойдағыдай болмай отыр. Айтпа кету керек, ауданда жауынгерлердің үй-іштері әлі күнге дейін толық есепке алынбаған. Ал есепке алынған 1203 үй-ішінің небары 294не ғана жәрдем жасалған. Жыйналған қордан майданшылардың үй-іштеріне небары 19 килограмм астық, 33 теңге, 35 пар аяқ киім, 3300 сом қаржы, 101 текшеметр отын, 51 центнер шөп берілген. Ал қалған бұйымдар тұрмыстық жағынан мұқтаждық көріп отырған үй-іштеріне таратылу орнына, бірсыпыра уақыттан бері аудандық әлеуметтік қамсыздандыру бөлімінің қоймаларында жатыр.

Сол сыяқты әлеуметтік қамсыздандыру бөлімінің меңгерушісі Воропаева жолдас ауданда Отан соғысының неше мүгедегі бар екенін де білмейді. Воропаева жолдас кеңседе отырмайтын көрінеді. Сондықтан қамсыздандыру бөліміне келген Отан соғысының мүгедектері оны 3—4 күн іздеп жүретін болған.

Майданшылардың үй-іштері мен отан соғысының мүгедектеріне күнбе-күн қамқорлық жасау—бүкілхалықтық іс. Преснов ауданының басшылары бұл іске тікелей басшылық етуге міндетті.

280 центнер астық тасыды

Ленин ауданындағы «Орталық» ауыл шаруашылық артелінің мүшелері түкпірдегі пункттерден астық тасу жұмысына мемлекеттік тұрғыдан қарап, оны күшті қарқынмен жүргізуде. Олар аз уақыттың ішінде станция маңындағы дайындау орнына 280 центнер астық жеткізді.

Колхоз басқармасы түкпірдегі пункттерден астық тасуға 12 пар көлік шығарып, бұл жөнінде арнаулы бригада құрды. Бригада мүшелері қазіргі күнде жұмыс қарқынын еселеп күшейтуге бар күштерін жұмсауда.

Қ. ЖАПАРОВ.

Жауапты редактор
Ө. ОСПАНОВ

Одақтық Ғылым Академиясы Қазақ филиалының хабарлары басылып шықты. Тіл және әдебиет бөлімі, бірінші кітап. Жыйнақта мынадай мақалалар бар:

Мұхтар Әуезов—орыс классиктері мен Абай, Бейсенбай, Қенжебаев—Сұлтанмахмұт туралы, Ысқақ Дүйсенбаев—қазақ ақындары Отан туралы, Есмағамбет Смағайынов—соғыс кезіндегі қазақ поэзиясының жайы мен міндеттері туралы, Әлкей Марғұлан—Қорқыт күйі, Сейіл Жиембаев—сабақтастық сөйлемдердің топтастырылуы (кандидаттық диссертация), Нығмет Сауранбаев—құрамалас сөйлемдер және олардың даму жолдары (докторлық диссертациядан үзінді), Жұмат Досқараев—қазақ тіліндегі лексикология мен семасиология т. б.

Кітап почтамен жіберіледі, бағасы 20 сом.

Адрес: Алматы, Киров көшесі, 69-үй. № 26 бөлме, тіл секторы.

Облыстық ден саулық бөлімінің Солтүстік Қазақстан облыстық дезинфекция бөлімі 15 февральдан бастап дезинфекцияшылар дайындайтын екі айлық курс ашты. Оқушылар айына 200 сом стипендиямен, асханамен, пәтер үймен қамтамасыз етіледі. Курсты оқып бітіргендер жұмысқа орналастырылады.

Адрес: Петропавл қаласы, Базарбай көшесі, 106-үй. Облыстық денсаулық бөлімінің тазалық сақтау және эпидемия бөлімі.